



Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1616

5. Quot modis Ecclesia consecrata polluatur.

urn:nbn:de:hbz:466:1-14007

trix Ecclesia item est, quæ est principalis & primaria in loco.

CAP. IV.

De consecratione Ecclesie.

Exstat in Iure Canonico Titulus de Consecratione Ecclesie, vel Altaris. Ecclesia fundara, constructa, & donata consecratur, vt in ea populus erudiantur oret, rem diuinam audiat, & Ecclesiastica Sacra menta percipiat.

Primo queritur, A quo debeat Ecclesia consecrari? Ab Episcopo cap. *Nomo*, de *Consecrat. distinct.* 1. & is debet esse Episcopus loci, non alienus. Episcopus enim extra suam diocesim ecclesias consecrare non potest, nisi consenserit episcopi. cap. *Tua fraternitas, de Consecrat. Ecclesie, vel Altaris. Quares.* An episcopus possit simpliciter Presbytero delegatus consecrandi ecclesiam? Non potest, quia potestas consecrandi ecclesias, est ordinis episcopalis, non iurisdictionis. c. *Quamuis. distinct.* 68. Episcopus solum potest delegare, quæ sunt iurisdictionis, non Ordinis, cap. *Aqua, de Consecr. Ecclesie, vel Altaris.*

Secundo queritur, An possit episcopus ecclesiam consecrare abesse hoc, quod rem diuinam faciat, hoc est, Missa sacrificium? Non potest cap. 2. & cap. *De fabrica de Consecrat. distinctione prima.* Si roges, An Missa sacrificium factum ab episcopo, sit necessarium ad substantiam consecrationis? Respondeo, cum *Hofstiensis, Bernardo, & Hugo in c. Quod sicut, de Elet.* non requiri ex substantia consecrationis, sed solum ex ecclesia praecerto, vel consuetudine, vel ab episcopo Missa sacrificium fiat. Quare consecratio rata erit, & firma, etiam si Episcopus rem diuinam non fecerit. *Silus. in verbo, Confess. 2. n. 1.*

Tertio queritur, An iure possit ecclesia consecrari in die profano, non festo? Poret c. *Tua fraternitas, de Consecr. Ecclesie.*

Quarto queritur, Quando Ecclesia censetur consecrata? Respondeo, censeri, quandocumque id constituerit ex instrumento dotationis confecto, vel ex libris in Ecclesia alteruatis, vel ex scriptura in columna, aut tabula aliqua marmorea contenta: vel vino teste, qui se videlicet audiuisset testetur, c. *Solemnitas, & c. Ecclesia, de Confess. dist. 1. & c. Sane 2. 4. q. 1.*

Quinto queritur, Quandonam ecclesia egeat consecratione? Respondeo, in tribus casibus, ut annotant *Dilectores inc. Propositi, de Consecrat. Ecclesie, vel alia.* Primus casus est: Quando necicitur, vel ambigitur, ecclesia sit consecrata, necne, nec apparet aliquid ex predictis superiori questione, ex quo probetur, eam esse consecratam. Secundus, quando ecclesia fuit igne exusta, ita ut fuerint parietes combusti, vel abrasi extoto, vel ex maiori parte, cap. *Ecclesie de Consecrat. distinct. 1. nam ut Panorm. sit in cap. Propositi, de Consecr. Ecclesie.* Consecratio consistit in parte exteriori parietum, qui Christum linientur, & in quibus Crucis signum apponitur. Porro, si rectam Ecclesie solidum fuere igne exstinxerit, non est iterum consecranda ecclesia, cap. *In lignis, de consecrat. Ecclesie.* Tertius casus est: si ecclesia parietes ex toto, vel ex maiori parte corruevit ita ut oporteat eos denuo reparari, etiam ex eiusdem ecclesie lapidibus, cap. *De fabrica de Confess. distinct. 1.* tunc enim ecclesia, quæ denuo erigitur, non est eadem, quæ antea. Secus est, si tantummodo rectum ruerit. cap. *In lignis, supra citato.*

Sexto queritur, An si parietes ecclesie paulatim per partes decidant, & paulatim reparentur, si ecclesia denuo consecranda? Duae sunt opiniones: Vna assertentum, eam iterum esse consecrandam. Sit *Innocent. in Rubric. de Consecrat. Ecclesie. Panormitan. in capit. Propositi, supradicto,* quos secuti sunt teste *Silvestre. in verb. Confess. 2. quas. quinta. Angelus, & Rosella.* Ratio eorum est, quia tunc non manet eadem ecclesia, quæ antea, secundum rei veritatem, sed tantum secundum fictionem, qua nauis reparata, ea-

dem censetur, quæ fuit antea. *I. quod interum ff. deleg. 1. at in spiritibus attendunt rei veritas, non Iuris fictio.* Altera sententia est, dicentum, non esse iterum consecrandam. Ita *Glossa & Hofstiensis in cap. Propositi, de Consecrat. Ecclesie.* quam communem testatur Sylvestri in verb. *Consecratio secunda, quasione quinta, vers. veritas est.* Hæc opinio magis ad veritatem accedit, quia sicut non solum secundum Canones & Leges, sed etiam secundum rei veritatem, natus, quæ paulatim per partes dissipatur, ac soluitur, & per partes reparatur, est eadem quæ antea, & ciuitas est eadem semper, licet aliqui nascantur, & moriantur, *I. Preponitur ff. De Iudicijs:* & flumen manet semper idem, quamvis aqua superueniat, & eurus abeat. Sic etiam re ipsa est eadem semper ecclesia, quamvis paulatim per partes decidat, & reparetur. Et ratio huius est, quia partes adiunctæ sunt una & eadem res cum partibus, quibus adduntur. Item in his, quæ sunt unum accessione, vel additione partium, dignius trahit ad se, quod est minus dignum, ut si oleo, vel aqua sacra oleum, vel aquam profanam, siue non sacram addideris. Ex cap. *quod in dubijs, de consecratione Ecclesie, vel Altaris.* Secus est, si modice partierit ecclesia consecratio addatur magna pars; quia pars maior non trahitur ad formam pars minoris, sed è contrario: *Silus. in verbo, aqua benedicta, q. 3.*

CAP. V.

Quot modis Ecclesia consecrata pol-
luatur.

Primo queritur, In quibus casibus polluatur Ecclesia, ita ut sit reconcilianda, non denuo consecranda? Respondeo, pollutio seu violati in sex casibus. Primus est, propter homicidium in ea perpetratum ab aliquo voluntarie, & contra religionem, & libertatem loco sacro debitam. cap. *Propositi, de consecratione Ecclesie.* Dicitur (*voluntarie*) quia non pollutur ecclesia, si quis in ea pereat iactu lapidis, qui cauæ est tecto, vel pariete decidit: nec item violatur, si quis ex amentia, vel furore impossessionis factus scipsum interimat. *Hofstiensis & Hugo in cap. Propositi, citato.* Secus est, si compromisus ex ira scipsum occidat. *Gemin. in cap. 1. de consecratione Ecclesie in 6.* Dicitur, & contra religionem, *& libertatem sacrae aulæ debitam*, quia non pollutur ecclesia, si quis alterum interficiat, ut scipsum defendat, adhibite moderamine inculpare iure. *Innocent. & Abbas in cap. Propositi.* Secus est, si circa talen moderationem perimeret. Polluitur vero etiam nullo sanguine fusco, ut si Index in ecclesia furem suspendat, vel si quis furem sufficeret. Ita *Glossa in cap. 1. de consecr. Ecclesie in 6. Abbas, & alij in cap. Propositi, de Consecr. Ecclesie.*

Si quereras, An violetur ecclesia, cum quis vulnus accipit in illa, & mors extra illam sequitur nullo sanguine intra ecclesiam effusso? Respondeo, ecclesia violari. *Glossa in loco supra citato.* Secus est, si extra ecclesiam vulneratur, & mors intra illam sequeretur.

Rufus si roges, An polluantur, si Martyr intra ecclesiam occidatur? Quidam opinantur, minime eam pollui. Sed *Glossa in loco, quem omnia protuli, afferit ecclesiam violati: non quod Martyris sanguis effusus eam polluat: sed quod nefaria sit, & impia Martyris cedes patrata a Tyranno.* Et quamvis laudans non sit locus, in quo effusus est sanguis, ipsa tamen ecclesia est reconciliata.

Quid si aliquis supratectum ecclesia, aut in subterraneo loco sub ecclesia latenter perimitur? Respondeo: *Glossa in prefato loco.* Ecclesiam non pollui, qui aon est homicidium intra ecclesiam perpetratum.

Secondo, Polluitur ecclesia effusione humani sanguinis voluntarie, & contra cultum sacro loco debitum facta. c. *Propositi, de Consecr. Ecclesie, vel altaris.* Dicitur (*voluntarie*) quia non pollutur, si hac effusio causa facta sit, sed circa vilum mentis consensum. *Hofstiensis, & Ecclesiæ, de consecrat. Ecclesie.* Item si vulnus sit acceptum in Ecclesiæ,

licet sanguis extra illam effuxerit, polluitur Ecclesia, *Glossa in c. de consecratione Ecclesie in 6.* non tamen si quis extra Ecclesiam vulneretur, & in Ecclesia sequatur sanguinis effusio: nec item si modica sit sanguinis effusio in Ecclesia, *Abbas in c. Propositi de consecratione.* Nec polluitur ecclesia alia quaque iniuria corporali circa sanguinis effusionem. *Abb. in c. Propositi citato.*

Tertio polluitur ecclesia effusione humani semenis voluntarie, & contra cultum facis debitum, intra ecclesiastica facta. *Significatio de Adulso. &c. Ecclesijs de Consecratione, dist. 1.*

Requiritur autem, vt sit voluntaria effusio: vnde non violatur ecclesia pollutione feminis, quæ in somnis contingit. *Glossa in c. Ecclesie, de consecrat. dist. 1.*

Dubius quæstionis est, An polluitur ecclesia per conjugalem congressum in ea factum? Sunt duas opiniones: Vna assertent ecclesiam violari, quia licet talis complexus per se absque peccato fiat, non tamen fit absque iniuria loco sacro illata. *Sic Ioan. Andr. cuius sententiam teste Silvestri in verbo, Consecrat. 11. quesi. 1. vers. tertius capitulo sequuntur S. Antoninus, Summa Pisan., Paludanus & Angelus.* Altera opinio est, assertentum Ecclesiam non polui; quia talis emissio humani semenis fit absque peccato: *Ita summa Rosella, qui auctor secutus est opinionem Hugo, & Glossa in cap. Ecclesie. de consecratione distinct. 1. In verb. (semine) Prima itaque sententia est vera, nisi actus coniugalis in casu necessitatis contingat: utputa, si coniuges diu in Ecclesia ob siderentur, & probabilitet emissionei seminis turpem timerent: quoniam siue ecclesiam non inuola: humani sanguinis effusio ad vitæ corporalis conseruacionem facta, secundum Innocent. ut dixi superius in casu 1. Sic non polluit ecclesiam humanis semenis effusio facta ad conseruandam vitam spiritualem. Ita Silvester loco citato.*

Quarto, Polluitur ecclesia: quando in ea excommunicatus sepelitur. *c. Consulisti, de consecrat. Ecclesie. & eius corpus extra ecclesiam est proiecendum, si ab alijs discerni queat. cap. Ecclesiam, de Confer. dist. 1.*

Quinto, Polluitur Ecclesia, si in ea sepeliatur Paganus, vel si qui baptizatus non sit, *c. Ecclesiam productio.*

Quæres, An in his casibus non solum talia corpora sunt extra ecclesiæ in ejienda, & reconcilianda ecclesia, sed etiam abradendi parientes? *Ioan. And. in cap. Propositi, de consecr. Ecclesie, dicit esse abradendos, quando sepeliretur in ecclesia is, qui excommunicatus, vel qui baptizatus non est: quod probat ex c. Ecclesiam. 1. de consecr. distinct. 1. Item Hostiens. etiam dicit abradendos parientes, quando l'epulus est excommunicatus. Sed Panormit. in capite. Consulisti, de consecr. Ecclesie, censet sufficere, si reconciliatur Ecclesia: nam si parientes raderentur, ecclesia consecratio perire: vnde oportet iterum ecclesiam consecrati. Et quod haberet in cap. Ecclesiam. locum, inquit, habet in ecclesia, quæ non est consecrata; tunc enim parientes abraderentur, & ecclesia consecraretur.*

Quid dicendum, si mulier Christiana gestans in utero futuum mortuatur, & in ecclesia sepelitur, an tunc violetur ecclesia? Minime, quamvis fetus una cum matre mortuus in ecclesia sepultus sit, quia sepultus est tanquam pars ventris, & non separatus à matre, capit. Si qua, de consecr. dist. 4. *Sic Silvestri, verbo consecratio. 2. q. 5. vers. quartus casus iste Goffredo. Bernard. Hostiens.*

Sexto, Polluitur ecclesia, quando consecratur aut benedicitur, ut dicunt, ab Episcopo notorio excommunicato.

Vnde antequam reconciliatur, diuina in ea celebratiure non possint, aut aliqui sepeliri. *Hostiens. Ioann. Andreas, & Abbas in cap. Consulisti de consecr. Ecclesie.* Id probant non quidem textu aliquo Iuris, sed ratione: quia si corpus excommunicati sepelitur in ecclesia, eam polluit:

maiori ratione polluet manus Episcopi notorio excommunicari eam consecrantis.

Secundo queritur, An Ecclesia polluta censeatur ex eo tempore, quo prædictæ causæ occultæ in ecclesia contin-

gunt, an vero solum ex eo tempore, quo cœperunt esse notoriz? Commissarii est sententia pro polluta habeti ex eo solum tempore, quo prædictæ causæ notoriz esse cœperunt. *Hostiens. Ioannes Andreas, Abbas, & alij communi- ter, ut citas: Silvestri in verb. consecratio. 2. q. 5. vers. Terius casus.*

Tertio queritur, An propter furtum, vel rapinam in ecclesia commissariam, ecclesia polluitur? Speculator tit. de consecr. Ecclesie. & Ioan. Selua, de benefic. part. 1. q. 5. n. 102. aūt, alibi esse visu receptum, vt pro polluta habeatur argumentum sumpto ex cap. perniciosa, de celebr. missarum. Sed communis est sententia, ex iis non polui, quia in iure tex- tus non est, quod probetur eam esse pollutam.

Siroges, quare ecclesia non censetur polluta, ex multis delictis, quæ in Ecclesia patruntur contra sanctitatem, & contra cultum, & honorem sacro loco debitum, v.g. si quis ritum cum tumultu in ecclesia concitauerit circa vi- lam sanguinis effusionem: aut si quis alterius unum, aut duo ossa confregenter: aut pugnabis tumorem, vel luarem inculerit in faciem: aut alterum verberauerit: aut si quis capitis sententia condemnetur, & inde extractus suspenderatur: aut si index confugientem ad ecclesiam, per vim extraxerit: aut si quis in ecclesia perierit, aut in Deum male- dicta coniiciat. Respondeat Ioan. Selua de benefic. part. 1. q. 3. n. 102. huiusmodi casus in iure expressos non esse, ac propterea ecclesiam non pollueret: quoniam quod in certis quibuscum casibus, & non in alijs ecclesia violetur, iuriis Canonici est.

Quarto queritur, Quando polluitur Ecclesia, quæ consecrata nondum est: Polluitur effusione humani sanguinis vel semenis cap. vlt. de consecr. Ecclesie. Item, quando in ea sepelitur excommunicatus, vel is qui baptizatus non est. Insuper quando ab Episcopo notorio excommunicato scaturatur, vel reconciliatur. *Panor. in c. Consulisti, de consecratio Ecclesie.*

Quinto queritur, Quomodo, & a quo Ecclesia polluta sit reconcilianda? Relpondo distinguendo: ecclesiam conseruam reconciliari debet a proprio Episcopo, vel ab alio Antilite ex eius consensu: & reconciliari asper- sione aquæ per Episcopum sacratæ, cum sale, vino, & ci- nere. Potest etiam reconciliari per simplicem Sacerdotem, mandato tamen Romani Pontificis, non Episcopi & aspersione aquæ per Episcopum sacratæ. Si vero ecclesia non sit consecrata, sed tantum benedicta, ut dici solet, ab Episcopo, potest reconciliari per simplicem sacerdotem. *Glossa in cap. vlt. de consecr. Ecclesie & aspersione aquæ benedictæ a simplici presbitero, nam in eo c. vlt. solum dicitur, eam esse protinus laudandam aqua exorcizata, ergo non oportet, vel Episcopum expectare, vel aquam ab eo sacra- tam deferri.*

Sexto queritur, An sit aliqua pena iure communis constituta in eos, qui diuina celebrant in ecclesia polluta antequam reconcilietur? *Hostiens. testis Panormitanus in cap. sic Ecclesie, de consecr. Eccl. n. 4. & Silvestri in verbo Consecratio 2. q. 9. sensu: celebrantem diuina, vel sepelientem alterum in ecclesia polluta, irregularitatem contrahere, eo quod ecclesia eo ipso quod est polluta, videtur interdi-cta: quia ut habetur in cap. si Ecclesie, de consecr. Ecclesie in ecclesia polluta, organa & diuina i. spenduntur, donec reconcilietur. Atalij contrarium fenserunt, quorum sententia recepera est, in cap. Is qui, de sent. excom. in 6. Dicitamen Lupus teste eodem Silvestri, talem Clericum celebrantem esse suspensum ab ingressu in ecclesiam cap. Episcoporum, de priuilegiis. In. Vnde in hiismodi suspensione obfir-ctus, in ecclesia quæcumque siilla, diuina celebret, suo munere & officio fungens, ut antea fieri irregularitate, iusta id quod habetur in cap. Is, qui supra citato: quia celebrat in ecclesia sibi interdicta. Sed hoc Lopus non probat ex aliis quo textu iuris: quia in cap. Episcoporum, solum est scri- mo de eo, qui celebret, aut celebrare facit in loco interdicto.*